

擇

石

齋

持

集

藝石齋詩集卷第十三

永水錢載坤一

庚午

送馬榮祖宰閩鄉三首

去年菜市西赤日叩子齋千番錄明史刊誤獨纂排僕饑煙
冷窳屋古風吹槐以茲謁選人夫豈世所才子曾不出戶時
論方蒙咎昨者見除書得黔之仁懷山川萬里行何以慰朋
儕

聖恩適改調雪霽春陽纔

湖維漢恆農其地有闕鄉潼關道初出黃卷坂且長懷哉二
南化去去皆古疆不知桃邱聚今俗還能康紅爐照雲卿可
有劉侯觴軟飯勸味魚可有少府姜人情貴相好不在暫與

常我行儻來值一握申慨慷

墨綬古諸侯豈不曰道同經術飾吏事亦在世務通理國譬
張琴水濁魚乃喁破觚而斲珉民氣惟雍雍貧賤有此官職
分慎所供毋以剛自遂毋以柔自容悠悠我之思思子在崑
瀛五土之利興四人之業崇

小寒食獨出安定門至一野井小憩賦詩二首

罷飯忽不憚適借同人車告僕國北門意亦隨所如風吹天
浩浩日照花疎疎土城若山偃誰與升古墟道左一寒甃茗
飲環相於將心下照之水乃能觀予問何爲此來選境初無
初詎言向荒寂而自增躊躇
井面徑五尺水浮四散微漫潤三柳根密排高十圍柳條是
時綠燕子應來飛甚思擔榼致鄉味江南稀鵝黃漉家醞新

筍開園扉薑心菜已糟韭嫩蜆亦肥舟船各上塚何處無斜
暉情悅復情悅井旁人獨非

題徐上舍以泰綠杉野屋圖二首

憶君十七鄉中句魚稻桑麻到眼前畫得青杉壓歸橐重來
覓舉又三年

圖爲董開學子卯書于京師
以上舍有綠杉野屋集也

一橋一徑似相識縣北韓家修竹林雲氣已無慈相寺寺門

人尙記前心

德清縣北慈相寺前有老杉數
本修竹林宋韓元吉宅在寺西

觀陳惟允山水川題者韻款云爲耕
漁隱君

松頂雲春雪瀑開小髯如拉故人來茶甌已潔書堂靜正乏
金蘭一輩才

次韻田少宰懋秋日過蔣宮保後圃之作

海子西邊石徑回主方散直客先來紅亭匝羅秋卉翠墨

淋漓掃壁苔殘醞未須千日醉堤楊應是十年栽虛襟共砥
清時業說向沙鷗更不猜

哭萬孝廉光泰於文照寺

輾轉車行是獨行獨行穿市爲平生銜悲宛轉尋餘味在世
蒼茫累此情羣家鬼鄰無右姓空園僧住極東城廿年離合
兩雙眼不道今看旅櫬橫

重哭萬孝廉二首

畦菜池菱入壞牆空無倚傍突淒涼別來秋雨復秋雨住處
夕陽還夕陽萬里母妻惟涕淚一塵天地有文章歸心昨夜
虛廊月蛩語蕭蕭孰與商

斜街迢遞一城分縣歷旬時竟不聞倩作家書呼范子待傳
手彙寄汪君藥銷火冷稀童僕賓榻風疎半蚤蚊未敢從頭

迂所問恐傷思慮枉慙慙

辛未

首春同申孝廉出西直門重遊萬壽寺登藏經閣
復沿柳堤而西至一村肆飲得詩四首

一番遊興始六日出郊纔野雪憑窪積河冰向曲開歡聲午
雞送暖色寒驢催竝岸紅亭識年曾此際來

那問前朝事難忘後院松

萬壽寺白松七株翠陰滿庭大者十數圍

假山兒戲業高閣

佛緣蹤村樹疎疎密雲鬱澹澹濃閣黎不相語看客自從容

白石莊西路尋詩步履偕風還動春鬢草欲茁鄉懷一詔

蠲租乍三吳望幸皆無田爲賤士轉覺滯煙涯

肥割花豬肉鮮和豆腐羹相邀店門坐亦具主人情場圃豐
年後林垌淑氣生綠楊千萬樹待我作清明

過汪孟錫仲鈞兩孝廉寓齋夜話呈祝舍人維詰

并簡朱孝廉麟應十首

麟應卽振麟改今名

太守爲神本正直諸郎覓舉竟賢能同年好伴還隨舅有我
常來聚一燈

自教難忘太守賢也權書課草堂前我鬚未出君了髻一瞥
如何十九年

三年門巷緩歸思書札多煩說我兒見否東牆梅一樹已開
花未問來時

兩盞三杯意總怱春寒十倍夜何嫌逡巡忽迸無心淚已失
平生萬孝廉

淚彈亦爲朱明府指僂須同祝舍人二十六年嗟已矣麻姑
元說又揚塵

廣渠門外送歸後寂寞我留冬復冬年少不知今漸惜人生
難得是重逢

弟子員同趨博士而今存歿倍憐渠朱弁何苦弁如雪纔上

公車五十初

余與朱李服膺諸
公同勉勵學生

君家翁子身榮晚一日還鄉衣錦行但得樂天張賈遇不妨

小弟作劉兄

簪花短髮半梳無豈比狂人左右呼識字讀書曾不悔廿年

饑凍約妻孥

舍人五十方餘五不許清恬老態增無事喃喃過夜半撩君

睡思已懜懜

三月十五日雪一首

幕地簾風絮作團一番桃李奈春官金明池上紅裙女且博

滕王蛺蝶看

號舍鱗鱗積瓦溝驚雷競競雨難收藍袍未換銀袍涇若箇
英雄正白頭

題許秋曹道基竹人圖

人有竹德曰竹人竹人虛面而精潔靈齋作圖李錯題邀我
吟詩意空結我居城北君城南欲往從之愁蹙躡圖畱逾月
頻闔開坐對移時轉親切城南叩扉未握手城北含毫漫饒
舌鷗鄉舊雨霜寒釣卷今銷三伏熱昨宵雷雨風怒號夢
中吹折庭槐梢故園平安今好在我非儂鳳寧無巢一竿儂
借釣魴鱖涉海不羨神山鼈竹人竹人君自有努力志行秋
旻高

次韻諸編修錦詠繡纓花

百花成朶壓纖枯斗大開時徑蘚鋪晚晚留春更留月玲瓏
如玉也如珠紅薔院冷輕陰閣乳燕簾深午睡蘇直是團圓
情不淺繡纓奚取趙昌圖

自題蔬筍圖三首

春風上塚憶停船村塾門開對菜田安得飽嘗爲學究歸炊
挑煮竹陰邊

一竿常放萬竿春青筍撓雲日日新我住東家須自種不妨
治地任西鄰

連雨都辭襪藏朋涼軒點筆竟何憑此情不共梅溪較卻向
廬山帶葛藤

少司寇公病起招同戈吉士壽李編修中簡汪孝

廉孟錫飲從叔編修汝誠孝廉汝恭侍坐分韻

秋清甫祛瘡月皎方輟霖豈無一尊酒樂與時珍斟盤螯已
堆紫瓏穗應量金年豐繫江國身健紆風襟觀新雜慰藉述
遑勤砭鍼簾帷香掩冉不知零露深

遊王氏園同儲進士兆豐

雲行無定蹤時會倏相合一語成良游雙童致野榼村虛日
晶晶林靜風颯颯屋櫺蒼鼠下橋柱敗荷匝山容澹逾遠秋
意清不雜客停主莫來我唱子必答借月如永宵松陰有苔
楊

再遊王氏園三絕句

深草連池復帶岡林中盈畝木棉黃埽除夏蔓成秋實政要
高天一夜霜

茨菰花上曲欄凭潑刺魚跳不舉得小艇園丁摘荷葉喚伊

可有野生菱

酒行雜坐漬衫痕
亭子空明占一園
博得津門旁蟹大
誰知雨點入秋繁

望景山二首

寶殿崇安

列聖真五峯
高築五亭新
萬春頂上祥雲紫
願祝吾

君壽萬春

延秀東標若木靈
輯芳西擁太行屏
今年正慶

慈寧壽第一
孤南見壽星

廣濟寺鐵樹

風鳴古殿西根立
御碑題鐵色高柯直
秋陰大葉低文章

遭際幸冰雪
歲年淒欲辨
桐櫨似真難
爾雅稽

御題詩曰
麻櫨不辨桐與楹
又曰

白足僧人稱鐵樹
木疏希見誰能知

重九後四日集王學正齋

城南秋霽呼翔翺來共君子之家
膠土壇自封大雞祭卻少
車笠辭啁嘈麗澤相滋在講習
德音是則方燕敖無日先交
後乃擇忍令始笑終號咷面朋
面友世不乏什什伍伍求其
曹溫而增華寒改葉亦士之俊
毛之髦草蟲雕虎感既類今
我不樂日月恒花師早擔彭澤
菊菜市已賣劉郎饒千里空
懷內史羹一生未了鮑陽螯夜
遙燭短興何極適可宴醞寧
妨餐

冬日鑲藍旗覺羅學書堂作

天室儲英雅化敦雪晴高宇坐
春溫明倫自昔循三代助教
於今比四門衿佩來寧非胄子
本根底亦是王孫縕袍正愛

詩書擁仗有風簾隔市喧

喜王舍人又曾謝舍人庸至京同祝舍人維諾周

孝廉翼冰編修澧汪孝廉孟錫姚吉士晉錫醵飲

菜市青蔬豬市肉保安寺近呼相屬獻賦承恩二妙來傾

囊買醉三更促雞聲喔喔東西鄰簾風庭雪迷離春說與燈

花休便落座中俱是故鄉人

韓介玉仿董北苑山水

秋巖樹紅日落漁航煙碧江遙卻憶花溪田舍如逢黃鶴山

樵吳興沈夢麟跋云介玉氏趙魏公外孫夢麟所居在花溪後歸於誠意伯劉廌廌有花溪田舍詩叔明亦文敏外孫

奉答諸君南城小集遲余不至同用蘇公韻之作

尋歡只合倒千樽又見修蛇赴壑奔小巷燭光喧客騎高樓

鐘響隔城門未賒後會來同坐卻賺清詞與細論自笑年年

不歸去敢將春草比王孫

答姚吉士句

壬申

謝舍人新居置酒邀少司寇公諸編修錦祝舍人

維詰王舍人又曾周孝廉翼洙編修澧汪孝廉孟

錫仲鈞姚吉士晉錫梁水部敦書過法源寺看海

棠各賦長篇載以雨阻不至續賦奉簡

東風萬里不可收海棠喚我城南遊道花頗憶賈元靖題詩
要賺蘇黃州雨蕭蕭泥滑滑馬脫羈車迴轄路遙卻減少年
狂闔戶褰簾獨愁殺謝家酒香古寺東寺門蝴蝶飛溟濛去
年花少今年更難得諸君著屐同紉雲絳雪茶煙處聞道非
花復非霧白髮禁春老侍郎碧牋顰影先成句摘戴寧煩素
手來繡看莫付羅裙去人方半醉惜歡娛花擁全身未遲暮

脈脈兮盈盈無情兮有情安得如來佛面如滿月滿月照花
花放明迦葉暨天女一笑撒萬英我擊腰鼓吹玉笙一花歌
一曲一曲倒一觥

與汪孝廉孟錫仲鈞招范明經同治小坐聽明經
話萬孝廉病中事

浩浩青春青悠悠白日白如何辛苦言相其餘四客知伊病
由起沿沂塞胸膈涼牀臥雨心遠夢思親父東流實難駐觀
歸未殯窆北堂計旋聞風燭爲之迫應無負所屬遺書高可
尺萬事盡銷千秋亦駒隙

集嘉樹齋題六和塔四十二章經拓本二十四韻
賞憶錢塘遠吟看墨本清讌餘尋古趣譚劇繞鄉情柳渚飛
絲候徐村著屐行六和登塔迴三級刻珉貞宋社東南創墨

僧旦夕營月輪峯名依刹起潮脈到闕平富賈昌朝追模

範風流續汴京寫經分筆札集字遍公卿妙相同嵌壁已定居

求刊小字觀音經又前刊李伯時白描菩薩相在第二級真書也播英資傳居士董跋有布衣翊

佛力崇調御江靈感至誠豈惟工擬押謂可息繼鯨時彥歸

千劫神霄罷六更園猶吳越占塔基為南果園鈴在半空鳴幾度春遊

隔長安旅夢生偶因星節去話及蟻珠榮若蟻在珠九曲隨盤

拓懷方果歸囊贈匪輕已已夏詹事裴公奉命告祭南嶺旋采白瑛登六和塔詩諸君能發

詠此日為加評卷首沈該署篇終洪邁名渠皆無盡施我亦

見聞明蜜食中邊味琴彈急緩聲磨牛須自歇濁水莫徒盈

迦葉舊文了智圓新義成槐陰攬須髮且復倒金觥

奉題座主少宗伯佟公試院詩卷後疊用蘇文忠

公次韻黃魯直畫馬試院中作韻四首公前官少宰兼野園

煙霄能使鸞鳳行辛年貢舉公有聲試院詩今卷又橫秋賦
逢春春氣透南山露潤千林瘦壬年重見古鉶豆黃金臺市
天下驄東坡翁耶六一翁杏花自拂瑤箋紅

鵲之哺雛雛飛行隔牆已傳賣花聲柏壽香煙篆橫

皆卷中篇題柏壽序云余喜黃柏花提西城紅香和之比入關石坪焚此香謂柏最香
高麗以名石坪公老僕也又晚坐聞市聲句云高麗黃花人水散午風吹引到應來

簾垂垂風月透不獨吟春飯顆瘦此時麥田結蠶豆眼中文

是畫中驄落紙如葉猶勤翁

又有題落客中卷副粉卷十題卷詩前
十題者順天例於榜前錄十卷

建呈多情

官燭三更紅

前年頒詔高麗行明雪樓上清哦聲

樓在高麗之南別官

江濤鴨綠筆

力橫詩如挽強楚札透書不古肥與今瘦我方造父師秦豆

只觀此卷欲避驄有酒正喜陪山翁襄陽日落杯面紅

半酣起舞作歌行憐才心見於詩聲奎壁照座光縱橫璽瓏

表裏壺冰透安得相馬失之瘦若驪若黃分兩豆媿身不如
鄧公驄又不能學信天翁明朝待試梅桑紅

次韻奉酬少司寇公垂寄

海石家風澹泊真年來京國聽公頻文章要使關經術姓氏
會將達

聖人

即用原韻句

天上玉巾花底宴江頭甲子夢中身

歲戊午嘗宿錢塘江夢兩水物從沙

瑞中扛金字榜山立舟前蓋三安而三夢其一則上元甲子四字也

茲以壬申恭遇 慈寧六千萬壽恩科金榜獲名乃徵先兆

尚煩數

上聲

與諸宗從舊德雖長劇苦辛

僮歸十七首

僮沈僕於錢乃祖父以來父愆忤我祖遣去辭其儕卅年數
飄轉擔薪鬻官街一日我父起秋風掃庭槐我旁見僮父泥
首堂南階自言有此兒多病奴已衰諒當委溝壑乞主憐孤

孩僮畱父竟去去不復回明日忽有耗湔然隨黃埃

僮父未具殮僮母已議嫁僮乎盤氣纏多病詎足啞母嫁妾
佗人僮畱叩我舍我母洵仁慈撫僮淚爲下屢誨勿強梁將
筭又休罷長成幾歲年呼喚自朝夜

我父好賓客賓客以日至其或畱信宿中廚供酒食風寒朝

應門雨黑夜歸市

明吏切

嬾惰雖爭言凶忙亦兼事堂西有竹

閑樓北有蔬地閒嘗課習勞而每竊遊戲家翁性憐劇過失
勿輒記念乃祖父來舉動見恩義

我家忠孝家我身詩書身凡我所知識我母幼訓諄我幼父
客京屬失生母辰我非我母出鞠我恃母恩未寒手與衣方
饑手與殮爰自六齡後二十有八年齊凡切凡我所受恩僮半日
見真僮今歸見我母以不孝暎束髮有何學徒終父母貧

我貧出授讀近止於他州貧當父母共入京故不西四年主
母病盜粟缺豫謀聞令官倉糴道作雀鼠偷主母病中數
潛逃諱厥由我歸病已篤湯藥五日周端陽萬古天酷痛使
尸憂僮不歸給喪及歸逾深秋犬馬僮知報哭應破喉
冬寒求葬地乃在先塋側明年夏五月築壙奉幽窆雨晴八
晝夜心與杵聲亟山松撼膚厥僮也伺飲食六月舉家病次
子天可惻祖父哀莫紆腹淚謝明拭天子入柩時我手倚僮
力此景十霜餘一思一哽塞
雀飛無稅趾羽豐乃高遷奈何別家翁去且四三年我父壽
以終罔極呼昊天卻歸喪次役禮在忘其愆嗟貧實我迫迫
我方之燕匆匆乞裝東顧此長周旋南風吹素衣吹上吳江
船揮手我獨行獨行僮惘然

入京甫旬浹修復之豫章十月返我家數日離我鄉離鄉復
來京是時隨侍郎是日始攜僮僮始擔我囊渡江欲渡河行
次淮安城侍郎顧我語僮也宜有名我名僮以安所慮多變
更我車東阿行僮隨侍郎馬同來不同路馬走泰山下
客居賴主賢一歲復一歲奈何僮智萌饑鶻啄絛掣時秋行
大獼豹尾多從官書生役飛札亦至木蘭山朝行我馬前忽
忽僮馬後奈何不相及屢顧爲之久暮行我馬後忽忽僮馬
前奈何不相待使我勤著鞭歸來輒告去誰能知其然我不
可終事卽去寧望還

朝辭書生去暮伏學士轅學士比書生奚翅學士賢旣辭學
士去旋依少師門少師比學士無若少師尊人生爲衣食百
歲駒隙遄馬亦戀豆芻犬亦慕葷鱗誰能責臧獲必當守饑

寒

僮乎棄我去去且三年餘何不一來省尺咫重闌衢一日東
華門公卿朝退初賃賃以蹢蹢中值我步步踣踣不爲下念
當從官輿一日漏三下官宿居停廬齁齁我寢外寢內病我
軀隔戶不爲視天明去徐徐去後同舍來拍手相揶揄我不
足恭敬其敢咎僮歟

僮初去我時云將歸視母我時付家書腸迴重搔首踰月突
見還致我書緩將塞程傳墮馬家舍爲彷徨僮初去我時生
徒暨親朋傍皆爲我言是宜以法懲法懲終奈何愚駭安足
訝書今封未開畱以示家舍

我父昔客京挈僮曰吳忠忠能親筆硯遣事侍郎公公時猶
未第忠也黽勉從僮駭弃我去忠意爲不容後來忠病歿侍

郎使遼東昨公養病歸家具卷籍充卻見載忠匱於後之舟
中世閒賢主僕義固有始終奈何忠不若去本隨飄蓬

我昨幸登第登第良可悲我母幼訓我初不祇此期我父哭
我母曾致酸楚詞天平盡少俟辛苦鞠此兒人生博科名譬
若春敷蕤聊悅俄頃日亦逮親在時行身苟無忝輕重不繫
茲疚心而偷息焉用升斗爲

僅何若心快十日三來看最後手一書云將問母安發書請
我讀皆我所欲言上言蒙主惠下言念母恩三年遠蹤跡欲
歸恐無門始知顏孔厚藉用申悔原惻惻復惻惻欲歸語何
煩祇嫌性彌拙不識財利端昆弟及妻子猶令忍饑寒安能
副僮欲卽歸仍甚歎

昔去無所喜今歸無所怒重我父母時同閱艱難故旣歸頗

宛轉宛轉不相忤始知愚騃心深淺適其素君子秉恆德小人遷外慕澹泊雖足希寂寥亦云庶況我平生懷坦坦略能喻他時或難終但去卽復去

家僮以千百諒非鄉里型入室躬操作節概猶側聆其祖父不德男女鬻使令人奴而克奮何嘗有韋經母曰彼賤姓墮地運偶丁母曰我舊門門衰易伶俜方春氣和煦雪盡草亦青發生慎所邁毋悖造物心息營切作詩匪告僮寄以示家庭

蘅石齋詩集卷第十四

秀水錢載坤

癸酉

二日雪

元日立春春已迴朝來雪作梅花開
大心人意併相得雀語人聲時復來
淨業湖高西岸寺藜光橋暖北城杯
六年留客成今度簾卷東風撥芋魁

長歌代書復朱丈不棄

春風六度遙相憶長公來時書未得
去秋寄扇索詩畫屢闔頻開恍情話
我久不畫荒墨池有詩率率如無詩
多謝鄉園諸老輩道載猶存故時態
讀書悔失山中年滔滔東流殊惘然
翁之壯盛常爲客諒復能知其可惜
扇畱又過元宵燈今

晨微寒硯水冰梅花一枝偶學寫窗外俄聞雪飄灑去秋曾
獨閱廟市萬玉圖逢王處士至寶親收夢慙依借觀城南適
緩歸意欲背臨難與匹扇頭不是圖中筆畫成詩缺心未安
一吟一憶舉扇看莫嫌疎密相唐突中有南湖好煙月扇先
我去入東軒明年歸就梅花言

春遊曲六首

黃蜂紫蝶引春思似教遊人去莫遲踏草儘隨寒食後看花
已過少年時

高梁橋西西復西綠楊萬樹覆長堤堤邊時有紅亭子亭下
新開水稻畦

水北紅亭面碧潯水南遮迤御園深上山抱得石山勢柳
樹濃於松樹林

玉漱虹橋入寶坊花樓月殿轉雲廊爲迎

鳳翔緣涯賞徧作欄杆少作牆

塔寺城樓映帶看界牌耕舍繞風湍分明塘路烏犍出不憶

江南二月寒

萬壽寺山山後松松吹衲子又相逢去年記否楊花雪彌勒
龕前午睡濃

宜亭新柳六首并序

完顏松齋少宰舍青樓後臨積水潭縛茅曰宜亭蒙招以三
月十九日雅集賦昨得汪孝廉豐玉里門耗是日走問孝廉
兄康古於南城又爲言陳明經乳巢歿涼州矣孝廉年三十
而明經六年不歸悲懷莫勝不能赴招明日聞席上分韻詠
宜亭新柳藏當補作勉成三章其一呈少宰其二三自抒矜

臆也次夕不寐又成二章復結一章併以送覽情無托猶賴觀世之久者感予音焉

宜春亭子面湖西城上山光掃黛齊飛翠恰霑東角柳籠陰
渾帶北門堤淡煙染雜濃濃露雙燕穿陪箇箇鴈聞道蠻腰
催短拍當筵乞向樂天題

如夢難尋甚與坊舊遊半繫故人腸驅車欲去驚寒食走馬

歸來已夕陽鏡照水管絃皺歛哭孝泥沾曾不絮顛狂哭明

淨鉗只合飯無盡灑作春空露水香

高拂樓臺下蘸池不論長短總成伊如何密密疎疎影絆惹

千千萬萬絲桃李蹊邊愁獨立哭孝風流賞處倚天知哭明

但令相送還相見敢向人閒恨別離

寶花倉口起東風雞鳴星懸賦惱公

竊正丙午春前續有和雙溪女子新柳之什

笛裏關

山今是淚梢頭明月本來空一聲玉折涼州怨萬里雲陰杜
宇紅歸去傷心原有路依然水驛綠煙中

二月月圓圓不能孝廉發以二月十五日千行雨溼溼難勝終然衣袂飄

何處定有闌干擁上層苑結微茫真可惜朦朧隔斷太無憑

比量搖落桓司馬如此春華百感增

亭名根觸悔今朝明經劉先生康目極傷春不自聊豈意公家

園裏樹翻爲賤子卷中騷箋題慘綠關辛苦門掩昏黃慰寂

寥半挂簾鉤斜壓影一九月上正吹簫

同諸編修錦李閣學因培周孝廉翼洙王舍人又

曾周編修澧謝吉士塘汪孝廉孟錫梁秋曹敦書

陳舍人鴻寶周孝廉震榮法源寺看海棠分賦

嘉會詎能常及時且行樂去年不果來是日乃尋約佛前看

花人頗已感今昨新知接揖纔舊侶牽懷各養疾歸侍郎家

生先春風健腰腳花如解相思爲破一苞蘂孝廉去何許楚

些招難作汪子花陰綠酒樽容易得同嚼絲梢風冉冉嫩葉

煙漠漠殿東紅正開殿西紅未落枯禪亦有情折贈寶瓔珞

金粟影須傳我心早成諾佳僧爲折一枝同遊要載作圖

題寒山舊廬圖用張文端公題寒山舊廬韻

陸君住宅傍林邱萬子煙雲可臥遊見畫最先題最後憶庚午春初初

孝廉山所作圖便江仍當閣樹當樓南園瑞石何煩記孝廉又爲作記云在瑞石山下

相傳宋韓平北郭春波只自流孝廉居嘉興城北轉東即好韻龍眠重

原南園故址拈取含毫端爲故人愁春波橋舊自署曰北郭

自題雍正庚戌所寫半邏村小隱圖

賣薪難草日負筆賃書年斯意有同者古人非偶然青林擁

荒圃白水汎新田
媿對南山色何曾手一編

梁吉士同書秋曹敦書招同諸友飲紫藤花下竝

屬圖之因題四首

藤身老閱幾秋霜
花下今開相國堂
好是濃春歸養後
紫霄雨露接諸郎

君家兄弟最難才
坐我花閒勸百杯
舞態已翻雕玉佩
歌頭合換紫雲迴

晚來花重曉來枝
今日人看昨日詩
適張大理送此意老藤須

不會可能箋乞綰芳時

紅雲爭賞梵王家
瑤席還來戀紫霞
歲歲不妨傳作例
海棠

畫後畫藤花
頃者爲謝金剛寫法源寺海棠

夢陳明經向中

風吹黯黯燈人在沈沈屋見君自外來不語感予獨屋無書
與史又無僮與僕一几向東南坐君炯雙目既坐忽而起予
亦不畱宿如何面無淚乃是相對哭

題凌上舍應熊竹谿讀書圖二首

濃淡藜光橋外柳陰晴慧果寺頭雲吟窻有伴常畱我

己巳庚午辛未

先後有楊孫二子同居止

旅橐能來又得君搗藥研硃何日竟斷壺畫粥古

人云竹谿畫山書堂舊正憶鄉園泐水分

谿上小堂可讀書堂陰高壓千絲終縛籬雨活野薺候煮筍
泥香巢燕初善本幾家同井氏名山隨處卽匡廬十年志願
徒悵觸鏡裏秋霜合銷余

興隆店并序

店在宣武門南街西王申夏汪孝廉豐玉公車至京而病病

而移寓於此竟以病歸今孝廉歿矣車過輒心傷焉爲賦詩
淚落店門前街塵爲不起人生本逆旅逆旅乃如是適來詎
無因適去竟何似徒令相見頻追暑臥于此去年客扣戶今
年車過市市中與戶中影響渺尺咫微微藥鐙煙香氣在牕
紙明明竹簾月秋夜一房水迢迢歸櫂雪雪寒莫可止冥冥
春華紅春半墜紅死浩浩宣南坊將車欲尋子惻惻店門前
我猶爲客爾借問道傍人曷復知所以可惜文章身少年付
螻螳

考具詩

并序

辛未冬同里諸君聚都下銷寒分考具十題載拈賦其九旣
閱歲夏五雨窻理帙補第十而錄于是

柳條筐

簾竹南鄉慣京師柳織成鳳飢心總繫魚貫手頻更細孔先披露中腰自積羸愁他堤畔折供給到書生

簾皆腰子式

線絡

搜檢前朝甚科場舊令森一囊提挈狀小網密疎心結束分明極牢籠次第深嫌疑須善處用以比南金

明嘉靖四十四年乙丑會試始設搜檢

錫水壺

也比蟾蜍玉團團兀自尊鑑如臨硯照蓋便當樂翻官攝差能受泉分了不煩亦知煎錫好買自喜三元

玻璃廠賣者具舖皆書其牌曰喜三元

卷袋

官紙收惟謹郵筒式頗便胸開行或挂壁掃坐方懸抱玉寧無淚藏珠信有淵若論功第一歲事賴君專

黃油簾

絕少屏雙扇聊障布一層油支雨腳亂黃髮日華澄燭給懸
俱定雞鳴卷乍勝最憐更漏急映照面如僧

青布縣壁衣

秋賦無需是春官乃給之製傳

先帝詔裝觀舉人儀冷煖皆蒙澤功名孰幹時去年收蜀徼
曾一借西師

矮凳

制類農莊具官爲試院輪差容憩芒屨實藉頓風爐用亦隨
高下材終論有無乘閒方露坐莫訝漢侏儒

號舍

一闕百閒房東西總向陽龍門高可及燕壘小何妨壁牋明
甄舊檐連獨木長幾人從此去不忝狀頭坊

庚午應舉大興試見
號舍最多陳廢者

號板

雜取松杉片安來几榻如分難容客座併卽作樓居尺寸裁
量爾高低位置余相憑成一笑豈有萬言書

號燈

兩道明齊點千夫靜不歸蜂房深醺蜜丹鼎正冲霄樹樹花
生發星星影動搖南宮記風月才唱第二條

潛溪緋歌奉題座主少宗伯鄒公畫頁

潛溪紫千葉千枝溪寺裏潛溪緋紫袍中有一緋衣今年緋
者發是木明年又輒移他枝洛人相謂轉枝花東皇自詫飛
仙姿舊譜聞然今始見春風一朵潛溪面若非腕底變丹砂
那得花頭掣金甌寫花按譜進玉宸石渠寶笈畱其真家
藏復寫近百幅中有一幅緋衣新潛溪紫千葉應輸此

潛溪緋爲公濃染作朝衣大手文章開正色卿雲紉纓侍
彤闈

喜得茅明經應奎書兼蒙惠詩次韻寄酬二首

滿寺涼蟬柳插天叩門天外一書傳幾回風雨思君子無恙
春秋歲八千漁父見猶披大布廬山聞又結高賢移居且欲
臨潯上服食寧妨作地仙

不信千秋名是忌才知五福壽應先別來伴侶浮漚似感初
飽閱星霜拄杖前有句半歸聲叟篋先生方選錄故交之詩何時真坐廣
文壇一尊明歲當相見引領吳雲快著鞭

八日五日

上釋奠于太學陪祀恭紀
秋時屆方仲吉日告維丁

聖 聖心常接 離離德更馨 啓庠先在國 觀禮竝于庭 興拜

襄三祭

君師貫六經 韶音凝古柏 俯數耀華星 澄宇瞻如玉 文明式
萬靈

借萬壽寺慈上人杖入西山

宿醒慵整屐 新霽快飛眸 丹桂幾番信 碧雲無限秋 禪人雖
會面 竹杖不交頭 借以陟苔徑 吾遊卽汝遊

侍講張先生若需輓詞

茫茫天壽與枯榮 相見斯須憶至誠 舊是先公門下士 晚爲
教習館中生 雍正壬子少宗伯公典浙江試中
副榜乾隆壬申入館屬先生分課 千秋鑑自傳 忠孝萬
石風元飭性情 瞥過巷車聞哭踊 獨遲問疾對前楹

慈仁寺禮慈觀音像

秋風吹鬢袍撲埃元年一來今再來毘盧閣高推更摧殘僧

尙指蒼松臺蒼松已枯臺則那龍去鶴飛碑字大殿西砌康國王
子尼陵手書建

壁泉書龍吟鳳舞四字并
所作報國寺古松歌刻石佛殿陰深雨淋座大士髣髴雀泥泥慈容

希有合十瞻白毫光透牕櫺纖貧無立錫了不嫌寶冠綠帔

猶莊嚴庭蒿何知興廢忽嬾向人間乞檀越菩薩面如三五

月照以青天妙香發

送周編修澧假歸嘉善爲封公太君壽

伯氏同科及第先去年令子我同年今秋弟姊三珠又來日

慈恩五騎連樂甚齊矜方七十歸歟舞綵太踴躍百齡翁媼

天應許目見曾元輩輩賢

寒夜作四首

家訓自顏氏凍水有家儀況平有書儀紫陽復定之匪直理

其家大哉世所資古云興仁讓恆視一家爲我思鄉約淳又莫如呂氏何以行于家遂及其鄰里

我思范資政平江置義莊賜給其宗族遵守于諸房襄邑乞指揮刻石先祠旁賢哉二相公修定歲以詳況如三右丞復及五侍郎試尋功德寺一上歲寒堂

宋元明三史皆傳

去聲

浦江鄭東浙第一家悠悠嗟可敬家

範代損益百六十八條遂令金華宋移家樂不遙其里有王氏寶與鄭氏倫同居可幾世何以風常淳

道同天不變世故隨虛盈物各有其理人各有其情心動與觀而常絕私營方員亦何定必若規矩成惟歎爲呻吟聞者或之驚我思呂新吾抱此濟世誠

蘊石齋詩集卷第十四

稗石齋詩集卷第十五

秀水錢載坤

甲戌

座主孫文定公輓詞一首

極諫

先皇納平生

主上知早刪三傳例真作六堂師燕楚旬宣歷公忠出入爲
豈徒寬酒禁冤獄賴頻治

再召書房直霜鬚政府參禁中紆馬勒殿上積經函廢寢
名如累刊碑典旣覃復河應格議疾篤尙帖誦

輓周編修澧十四韻

別時方約隔年逢待我徐歸其託悰一呖俄驚分夢覺五旬

餘只換春冬雲陽驛近趨單舸玉帶山寒送暮鐘去矣了無
人世疾思之應返佛門蹤宰官鼎甲身纔現慈母公車線尙
縫史館三霜明似寄父書雙淚卻傳凶元昆令子留京在夾
巷同鄉設位從往事幾何原話及此情終古不能重齋經槐
樹風眠爽寺憶棠花雨賞濃見晚詎妨漚聚久悲深渾遣些
招情難稽天道文昌柄未艾君家善慶鍾關酒移居成閱歷
恬言矯步失儀容飛揚或誤功名會淡泊曾安德義宗他日
魏塘尋阮屐鏤頭來種墓前松

題凌郡丞西山詩後八首

井序

去秋八月廿五日偕凌郡丞孫上舍汪上舍凌上舍蔣編修
遊西山過萬壽寺借禪人竹杖以行沿西隄望昆明湖度青
龍橋經玉泉山陰至壽安山宿隆教寺曉起坐退翁亭望澗

西嶺半古松意卽是金章宗看花臺畔物登五華寺復下臥
佛寺撫娑羅樹飯畢跨驢至碧雲寺前槐徑小憩緣麓而南
立雲衢坊下仰瞻香山行宮過寶勝寺度杏子口冒雨上
秘魔崖宿次日午晴登香界寺上寶珠洞下歷龍泉菴翠微
寺望清涼寺蓋往返四日而郡丞賦詩十二首冬暮同遊者
各南還郡丞乃屬序于余今春又將南下因綴詩當序悵舊
迹之難忘聊取觀于他日爾

萬壽寺門同倚松老僧借我入山筇秋光似鏡昆明路大
報恩瞻第一峯

石樓高見鸛巢低夢破泉聲臥佛西枉卻滿身風露曉杪櫺
樹下不聞題

碧雲西更望香山蘭坂芝廬塢樹環百級磴盤千佛頂

聖人寶殿萬青間

芝蘭蘭坂皆行宮門外坊額

遍築叩籠肖冉駢穿林厯蹙雙還雙遊人指與遊人說蜀道

天聲昨受降

驢背風涼驟雨零蒼崖飛上叩雲扃未應得句狂呼嘯驚動

盧師大小青

彈指朋遊意不勝秋山風雨佛前燈如何聚散成飄葉試問

崖前拾橡僧

寶珠洞叩老禪心香界東西翠靄深最愛龍泉菴畔徑橡林

蘚石似梅林

五百寺還三百寺今年人憶去年人君詩段段明於畫攜向

江南結後因

觀劉松年畫中興四將像卷子

武僊高顙略無鬚
斬王長身面縐膚
循王紅袍頰頰胡
鄂王方面鬚亦無
東西對立帶束軀
軀不滿尺皆丈夫
各一虎卒鐔戟筋
當時仰之懼且敬
我今蕭冠視乃正
嗚呼紹興十一年
罷兵以次劉岳韓
萬壽觀使與醴泉
明年張亦充醴泉
奈何弗獨歸兵權
劉生難爾傳紉而
有知烏乎然

九華山歌寄壽茅明經應奎八十

先生癸亥六十九我歌石柱以爲壽

時分謫吳興故事繼得顏魯公石柱記

我今四

十又七心力孱乃蒙索歌展齒所到九華山當時徵題分賦

諸君子十一年來兩人死

補初豐玉

先生八十猶康強俾我作歌

胡不喜我今卽歸買酒爛醉先生家亦不更暇攀折秋浦青

蓮華長歌短歌須喚彭城劉夢得快寫新羅國僧九十九歲

相伴之煙霞

寄題查郡丞禮重建龍溪宋黃文節公祠用公前

集詩觴字韻

宜州聞道新祠屋萬里題詩一酌觴術者但衡生死壽溪邊
猶駕雨風涼離騷芳澤蕙蘭許小雅敬恭桑梓行盼蠶今辰
非作夢謫居往事重回腸郡丞先
翁江西

飲閣學金先生德瑛齋送王進士昶之濟南

夜風吹雨雨平階去去明湖淥浸涯塵裏歲年難此會域中
山水欲吾儕紅蕖綠菱深深權雲影天光渺渺懷便覺江南
歸路接卻忘身是坐高齋誠將請
假還里

題虞山相國並頭蕙花圖

易象取如蘭厥義比同心心同蘭愈馥斜人洽清襟爰有竝
頭品靜御應瑟琴是皆和氣致芳草徵好音相公磁斗植雙

剪發一簪蕙亦蘭之匹簾箔香簪惜家和瑞在國諒哉釀德
深揚之際薰風潤之藉甘露之成妙繪傳之屬新吟吟新
意則古頌以當家箴

貞女詩四首

君家住臨平妾家住塘栖上河與下河相隔不相齊
君身上河水填斷不得通妾心下河水從此不流東
郎姑女嫂行守貞女是觀嫂陶字柔德女沈名曰安
女家有父母郎家姑在堂事姑如父母鄰里爲悲傷

尹兒灣

野蓼疎疎雨煙楊寂寂村都疑催老信半與記秋痕酒態舒
纓佩蓬聲靜笑言稍前丁字水今夜伴潺湲

德州至故城

河灣勢如織東往西復回欲令趨海水千里以徘徊昂昂運
租船銜尾南下健風帆樹杪懸幅幅蒼雲裁村容互相帶檣
立闔且開呼前後成應參差出隅隈良店驛方邈甘陵城又
來幸蒙颺力正使不淹滯

野泊

瑟瑟水風興纖纖天月上遙墟陰寂歷修眇碧莽蒼船人傍
涯住持火照曠濆客子沾酒行穿林語蕭爽危檣衆星溼輕
幔微煙散不寐思厚衣薄寒息蟲響

望武城

落景排沙柳迴湍歷上城弦歌遺魯化文學首吳英四海風
宜洽千秋道不更史家循吏傳節錄後來聲

歸舟述六首

辭京溯洪波已過清源驛懷茲七年憂歷旬未殫悉思積切長

風吹我颿努力戒朝夕明月入我帷申痛見胸膈父喪百日

餘奈何去爲客淹留復淹留而不安窀穸

生身非騏驥詎志千里行嘗一赴王都遄歸守柴荆慈烏

哺有竟遺子悲空縈家室莫由建勉旃學代耕居擁廢簾書

食謀盈盎粟嚴霜被川原林葉漫相促人事苦不齊天心亦

難量遂遘椿壽摧兒飢以去鄉

亭亭澈上山窈窕先塋左從初葬母時父曰生壙可形家議

于後心竊恐未安忍因天子惑值歲貧更難麻衣苟行役忡

惕魂夢煎踰時而不克籲我幽獨天京遊亦何倖宛轉不得

旋衆中實強笑覲面餘七年

客帳射朝光起坐一凜思宵眠滅燈焰解帶或黯悲豈敢告

他人所憐素帶知帶行斷不續我歸當何時皇天大仁恕赦
過得及茲吉祐我府君寧必非前期寂寂對船窗政嫌篙楫
遲歸歸祇益悲顧影失怙恃松楸待經營觸緒缺生理柴荆尙
東城有妹亦有弟丈夫志四方諒不爲妻子園風竹蕭蕭庭
桂坼露藥掃我西齋塵開鏡照癯毀問君別親來能無夙夜
恥青陽滋萬族各奮爲雄英白藏已戒塗幸不與歲更遲暮謬
通籍寂寞無遠情願因負土後守墓畢此生但虞忝叨竊弗
一攄中誠煌煌聖垂訓乃疚在幽明舟師儻告余進退宜何
程

周家店

開灣適小泊晚色生濟陰連畦墟落古竝舍陂塘深放犢臥
斜徑呼雞穿碧林籬熟山果碌碡閒秋心農父荷篠歸問
答親風襟野外詎云樂所無機事侵

棗市行

東人種棗四月花暑路碧簷杈枒霧籠露沁忽霜點一夜
膚赤如鮮霞撼腰撲頂雨狂墜雀卵蛇珠堆滿地風吹日
不愛憐暮掃朝攤隨婦稚乾收土炕下柴火綳映簾簾發香
氣蒸餘則黑否則紅竿矢牛頭盡甘味盈車推送賣棗行棗
客羶帽驅謁褰會通河邊午成市論科稱亦論斗量漕船南
返例攜載半若官米收官倉客船磊落買何向我船計日經
淮揚稅錢關吏輸應足但乞棗林秋必熟東人之果東人禾
柿栗梨桃况圍屋

十五夜月蝕次東平境

天高雲淨正中秋水急山遙入兗州
摩盪故知相影射團圓
行見復光流鳴鐘擊鼓趨村廟
接草依沙竝賈舟
凝想六龍臨雁塞燈明萬帳待更籌

阻風靳家口

汶水北來清可憐石尤風不與牽船驢
鳴牛臥如看客鴨子魚兒自數上聲
錢投隙易成粗結構觸因難斷小畱連斜陽
記取官橋柳曾著蕭蕭兩鬢煙

山東秋

河岸高低水深淺村樹陰陰散雞犬黍梁鎌
割堆屋齊蟲響豆葉麥生畦篠鞭叱犢翁扶犁
兒童筠籃啗植梨嚮蕭蕭
夜織妻曉釣魚蟹射鳧鷖聞官坐聞附載稽香飄酒甯聞東

西客言常年被淫潦聞背船過河失道士扉蠶煙上萍藻饑
走他鄉率攜抱況復焚柴千里槁安得今茲室家保
聖調玉燭歲有秋如天之仁覆九州賑饑屢顧東民籌亦惟
芻牧分乃猷因風爲告諸藩侯

柳林間南村舍

宛似遊江國多應種汶田柰還荅邾境薪漫入齊篇亂石倪
高士疎林趙大年牛欄雞柵外風影日光偏

水鄉二首

地勢能洲渚人情在雨煙板扉茅屋隱菰葉蓼絲纏似獵爭
收網非漁亦弄船稻梁應侶雁蝦蟹不論錢七箸香兼滑波
濤味耐鮮一杯隨翰酒二頃勝蘇田濟北今常接江南幼最
便平安如見竹淹泊爲翛然

渺想二三月彌生蘆荻芽船頭遮雨點鏡裏出桃花邨冷初
飄燕橋低已浸沙柳榆圍段段螺蜆捉家家此樂知何極吾
生信有涯身將鷗撲鹿夢逐鱗伊啞曲直元殊釣公私總一
蛙秋風吹瑟颯不誤路頻叉

汪博士棣招遊平山堂

自昨渡河來意與勝侶期清尊適邂逅小舫行逶迤紅橋已
鰲石岸轉翹雲櫓鑿水至岡麓壅梅緣稻陂

翠華邀偶駐芳甸今新滋憑欄挹江岫秋曠無如斯青松高
萬本曾見初裁時再遊近二紀濤聲涼鬢絲人情愜佳處要
復不在奇盤陀可畱坐天月如蛾斜

集行菴題王西室水仙棣花卷

斑竹低窻秋影折案頭橫卷披香雪數叢綽約姑射姿羅浮

仙來參入之葉葉銖衣枝玉骨照渠只少光明月涼颺拂鬢
不可簪合將供養近佛龕故知愛墨亦愛紙子固元章兩居士

九日竹西亭登高

閏年秋已寒茲日氣殊爽復蹟倚勝情攜壺發還賞

厚爲諸吟社重構

寺鄰北郭迴車較平山敞江渺數上帶風檣天晶卓吟杖崑

臺老蘚積葯圃涼煙上籬短菊未黃林疎葉時響醉深不厭
百會偶應難兩歌吹定何如清言屬吾黨

鶴林寺

稻塍越數里江岸來衡輿山赭向人澹林蒼出煙徐僊歸杜
鵑本火劫索靖書唐柏子不結李詩僧何如堦前縞衣立似
解啄我祛孤梅陰滿院想見春風舒

竹林寺

一僧導我先岡壠越迴復雲影高下松泉聲密疎竹蕭蕭以
蕭蕭在澗亦在谷自來燕子窩半結曇花屋轉上臥佛廬江
光溢雙目磨筭正當窻左右插簪玉左見甘露寺右見焦山說法省初機
夾山詩可讀只令猿鳥聞淅瀝微颺蕭

招隱寺

披莽造山脊瞰幽指林杪徑緣下蜿蜒塢入穿窬窳清泉龍
吻瀉密竹蓮臺遽至正文尙完元俞希魯撰修造記周伯琦書蘇天爵篆額普慈境何渺
伊人信高臥嘗往聽鸚鵡鳥後賢品麗秀我欲翫春曉仙葩白
而蔓香界靜以窈偶卽悵難追秋陽使心悄澗淙送客出漸
過石坊小不從來處去惚恍庶能了

登多景樓

第一江山第一樓闌干孤迥俯晴秋幾家北顧憑天塹終古
南朝怨石頭爛漫儘呼京口酒翩翩難狎海門鷗鬢絲未遣
無情甚斜日寒風爲少畱

毘陵曉望

戚墅平平岸橫林遠遠邨水清秋更碧煙澹曉無痕魚菜將
船賣雞豚竝舍蕃九龍山不老窈窕麗初暎

酌第二泉

暮色已蒼然雨風況催腳颼颼殿角迴淅淅帽簷落到山不
見山雲氣欲專壑溼葉響重堦虛亭決孤雀圓窪誰所鑿靈
液此焉托碧玉浸靜深青銅照依約泉頭旣成坐林裏遂頻
酌渺隔中冷期欣來桑亭若涼濤何處生過耳松梢掠不取
竹爐煎畱詩資咀噉

蘧石齋詩集卷第十五

蘅石齋詩集卷第十六

秀水 錢 載 坤一

乙亥

自題澈湖二圖

井序

張徵士瓜田嘗爲

載

寫澈上讀書圖旣又得張農部篁邨寫

第二圖春日竝挂於回溪草堂西壁值張舍人篁園祝舍人

豫堂攜令子秀才明甫王秋曹穀原陳秀才漁所從祖少司

寇香樹先生攜從叔孝廉雨時過

載 飲兒

世錫

侍坐徵士後

至飲次少司寇指壁上二圖顧徵士曰盍偕諸子賦之因卽

以竹垞朱先生爲先子題草堂聯拔山傳諫草遵海重清門

十字分韻

載

得門字

我行在城邑豈不愛邱樊時觀壁上山空憶海畔邨重湖接

先壟寒食來請孫春風散花竹落日遊雞豚物情各有遂天性彌所敦伏臘礪陰屋詩書松下門初嘗一紙托旣乃雙圖存南北歲攜篋貴無忘願言佳辰發真賞列席依前軒徵君還自詠酬酢頻清尊

少司寇公攜汝恭從叔及

載

至海鹽舟經半邏埧

城撫景言情檢得范石湖詩選本田園雜興三十

一首用韻分賦公得十一首從叔及

載

各得十首

花事纔過二月頭短筇攜我上扁舟買將燕筍隨薑菜春味今年傍故邱

吳歌半學打灰堆春滿田園笑百回蓬牖好風吹幕直遠山一帶武原來

賽社祈蠶倒好嬉兒時最憶趁船歸連村雨似楊花落逐隊

人如燕子飛

乍鬪河泥未出鉏桑含雀口尙如枯兩涯白屋東西問門掩

書聲早納租

八世祖太常封公號兩涯牛運村先宅後水門舊題額曰兩涯白屋

男便耕田女織機香粳米換木棉衣百年白叟三家住一笑紅塵九陌飛

樹樹鵝黃岸岸晴桃花外夕陽凝等閒綠遍船頭水隔歲曾來記打冰

風順齊言路不長船人手裏過茶湯聽伊商略明朝事合進龍王廟口香

漁家螺蜆應時生何處茅柴酒最清背指勾塍橋一曲鄭墳東角是干城

櫻桃花覆酒家門春半看春倍惜春多謝海雲扶月上照人

先與照鄉人

老年情重少年情花壓簪頭玉勝荆小縣東風傳唱去夜來
十一首詩成

檢先孺人遺篋得

藏

己亥康熙五十八年雪夜詩

識字識忠孝瘳貧難復難兒時餘蠹葉淚落忍重看

題范侍郎

璨松巖樂志圖

歲寒堂外雙松樹文正先公有詩句一本三吳萬葉傳少司
空又清時遇孽窳四大字 恩賜

慈壽年先是 詔許公歸田只今論文那必仲長統期我亦
賦松巖篇松巖高松巖下畫中人豈悠悠者千叢藥草傍林
生百折風泉遶身瀉爲我還問畫中松不識歲寒堂上雲氣
何如濃

瘞鶴詩爲曹明經庭棟作

鴈腳樹陰陰佛阜北慈山南心平西產鶴處乙亥瘞鶴處

在世十五年適來還適去鶴之主人邀我詩我詩與鶴作銘

詞

題項東井幻居菴雙柏圖

項老鉗山小隱偏西公留偈素公傳一彈指後吾題句又過

王申癸酉年國爲西成作報與素言交西成素言本師也載去年甲戌假歸而素言以癸酉八十幾歲化去王申立夏補雙松癸酉仲春寫雙柏東井自題句

渡江

秋野日疎蕪寒江動碧虛今年春夕夢中所得句蓋杜句也夢回先卽景帆過遂

成書兩岸金霜曉三山絳葉初平生仗忠信俯仰定何如

寶應有述

八寶湖中帆席行八寶湖邊風浪鳴江淮千里初冬色早涼
三時

聖主情

江浙臣民虔候明年春
聞以江省偏災方賑濟備
改令豐歲後請

鑾輅重巡茲恭

幸長東南美衣食況

先魚鳥足生成家書寄語勤操作畦菜須教滿甕盛

兗州

露布伊犁五月旋壺輦曾不試戈鋌

祖

宗緒待

神謨竟禮樂心依

聖里虔春色定看榮檜楷文光重與潤

山川絃埏額手

堯勲至詎獨東民上頌篇

曉寒

曉寒車轍誤西東
瑟縮凌兢僕馬同
雪外來方知有雪
風前行不避多風
夢情半寤莊周蝶
人事難安孺子鴻
甌粥道傍隨啜取
略分銖火借顏紅

拜座主世襲子少宗伯赫塞里公墓二首

公諱嵩壽號依雲

行帳逢秋塞書堂酌雪林
三年鄰住近一第受知深
講讀承皇嗣賡颺體

聖心益堅儒者守何營
重南金

迴望寒空景沈思大壑流
假歸纔一歲生別竟千秋
奉母中難愬貽孫稚且憂
元堂號不徹僵木爲颺颺

丙子

擬恭和

御製趙孟頫吹簫士女用宋濂韻

紫簫泠泠吹應指碧欄十二秋如洗數聲鸞鳳迴穿雲一朵
荷渠鮮照水羅衣摺摺淡不紅仙人住處煙朦朧曲終儻似
江上瑟出聽豈有波閒龍優柔溫潤響還咽瑤階落遍梧桐
葉翠縠停搖扇柄風銀蟾半瀉簾鉤月斜倚櫻唇殷若血坐
吹不動聲疑裂

清明日同宋明經樹穀至萬壽寺尋慈上人

長河西望綠灣灣仙苑新桃萬樹殷冷節出遊偕冷伴鄉僧
相見說鄉山此時畫榼聽鶯往去歲扁舟上塚還又向日邊
春一度商量茶事到松關

觀倪高士松亭山色卽用其自題韻

自題云阿翁好讀

滿庭芳時與蘇陽道士行過鄰南里先生住者淨信居其菴中已有高貴
如願務我來三宿夜連林行路荆榛歲將暮爲潘翁仲輝寫幀上沈啓南

次韻
并跋

看山不畫還成賦清氣飄飄出牕戶齋粥三生詎絕緣春風
一瞬難將住午漏聲長鵲鑪冷槐陰上壁縈輕霧名畱身後
身弗知潘沈蟬蛸各朝暮

題觀書士女

潔蠲酒食曰婦儀黼黻元黃曰女工豈若世間鬚眉儔置身
必置萬卷中庭影竹蕉益香桂壁琴含秋秋擁髻侍兒牕戶
倚垂扇亦是纔過三五歲張萱周昉娛此情底須絕異誇才
明東觀班姬能應詔故知環珮有常聲

憶去歲過揚州所見名畫三首

范寬秋山行旅圖

大圖濶幅勢逼人峭拔崛奇隴與秦子昂別卷昔題好邗水
秋風今見真獨山籠從氣鬱律萬疊墨蒼如一筆鴉叉挂起

指驢驟坡麓蕭條秋滿室寬乎故以造化師百年曾遣西廬
嘗爲王奉常所藏有跋

王叔明一梧軒圖

上方竹莊吳璣題云溪上茅堂宿雨收疎
簷相對碧梧幽湘簾捲暮涼風動併作吟

邊一段秋
卽用其韻

涼意稍稍靜不收阿誰卷幔假山幽荷池漲得平橋水落盡
桐花過麥秋

王安道華山圖

十年想望華山圖但見詩記序跋云一朝見畫不暇憶華山
何況畫之前後詩與文華山遊者或詩文未聞兼以能畫聞
老人能畫復能詩文遊華山以來無匹儔盈尺松雲四十幅
不知此身猶在屋親見商周出鼎彝師承流別俱凡碌下士
欲識畫之妙先觀詩記何靈奇吾人胸中要自空洞無一物

然後腕底動與造化相淋漓

節孝從叔祖母任孺人輓詞四首

邈村老屋竹梧青
樞謁初纔十一齡
從祖居憂方事母
孺人鞠子待傳經
冬寒忽報摧梁柱
颺急猶虞鏃鳳翎
孝友幸隨諸父後
至今遺息不伶仃

祖德相承素業清
喬柯歷久重敷榮

謂康熙辛丑侍姑從宦來

京國返里移家在
邵城薊雁江魚將
母信朝風夜火授
經聲

侍郎公教孤子

叔爲弟子師惟姪五度春秋傍畫楹

賢姑孝婦影形親
每過堂前聽睹真
誥示萬端歸儉約
禮行

三黨各和醇酒漿
適與充饑口鍼線
常蒙及賤身今日
卻緣

悲憶舊廿年重哭
太夫人

往歲南帆轉萆門
西街數詣問寒暄
先君入土兼營塋
家學

操觚又課孫得疾豈因荒疫後蓋棺終使姓名存叔兮我欲
無哀毀世澤申延是報恩

自題所畫簪溪圖

長興溪窈而曲上若下若都是竹采茶時節筍成林煮繭人
家煙遶屋我今畫之卻未曾見山意中岸影蒼灣灣墨戲平
生凡幾度置身願學不能閒

題趙文毅公尺牘墨蹟

尺牘一初云去志定決中云即如太倉

別徐少宰曾深道過不認求字後云某年贈五十字問尚未成章故一意
欲歸讀書課子以餘力整頓舊聞討性分著實做一番按此當是文毅出
為南京祭酒後寄北京友人者既公名還北都王
文肅復入內閣以絕婚事從文肅所上議免歸

黨論終明代端由抗疏餘身真三黜去里又幾年居家居四息
影非中抱尋源只故書所難君子節還教後人如初執政謂昔人

今乃在君子固亦以君子推吳趙也公
孫士春官編修抗疏論楊嗣昌奪情

曉月三首

曉月光皎皎照我軒與楹從容起盥漱更復張燈檠我衣則必帶我冠則必纓

曉月光皎皎照我中庭開仰觀列宿爛徘徊於天街我心有所之我身何所偕

皎皎曉月光照我門前路行行自知歸豈繫僕夫故我車其亟驅我馬方秣芻

南塘辭

爲寧劉氏南塘居明季有婦婦氏胡解一婦避流寇自邑返南

塘居猝遇賊句于中塗解二抱持二歲兒度不能相保顧且呼

亟授蒼頭負之以脫告我夫解三詰旦賊退夫號趨乃至婦死

處乃見被斫無完膚解四黃口二歲郎長天生雛又生雛曾孫

某舉孝廉南塘之烈不獨聞於衡巫五解

題鍾進士

曾記中山高兩顴出遊攜妹黑如煙翠巖訣子何人會又把書家草聖傳

題板橋吟詩圖即用曹能始詩韻曹詩南屏人家映柳條元暉進蹟草蕭蕭曾爲

一夜青山客未得無情過板橋

垂柳牽情葉復條新林浦近夜蕭蕭謝家正好青山色卻付明朝憶板橋

題王編修鳴盛西莊課耕圖

太倉西嘉定城城又西婁江清江上田王君耕我識君二十年奴京切既同官告厥誠鶴樂曲吳塘橫柳千章哇一杆好風播時雨盈督我牛課我丁以養親以樂生際嘉運發于瀛懷

舊隱圖斯成中田廬八九楹比摩詰西莊名君不薄晉淵明
亦不愛漢子真音貞白鷺飛黃鸝鳴幽雅頌歌太平勝右丞
別業營我觀圖願請更有室賢今甫榮銓不勞夜機聲曷不
補牆桑青

嚴君平

卜筮樂賤業惠衆乃在言言孝復言忠著龜托其原因勢導
之善君平意故存日常百錢得下簾遂掩門李彊益州牧不
詘禮自敦年至九十餘成都人愛論

寇萊公

寇公樞密日金帛受賜頻乳嫗見之泣所泣太夫人一縑缺
衾襚母喪何大貧豈知今有是念往徒酸辛寇公聞之哭施
予終其身廿年一青幃敝者不復新

立春後二日對雪三首

夜寂寂曉漫漫東風暖北風寒春若何撫石闌
溪邊宅海畔山梅之樹竹之竿我所思下有蘭
歲云晏鬢已斑天玉燭地醴泉苟樂志聊遺安

劉三妹詞一首

祝九爲男到底非讀書有妹著綃衣七日七星巖上石薄他
蝴蝶一雙飛男人謝明歌爲讀詩後
歌云讀書便是劉三妹
秋草蝶飛情奈何山木羞爲倚榜歌玉環肥更綠珠白孰與
水南村裏多蝶飛秋草
林所歌曲名

撫石齋詩集卷第十六

韓石齋詩集卷第十七

秀水錢載坤

丁丑

同邵編修嗣宗集張編修旦齋題詩文敏公鶴

林春社圖

文敏自題云家有獨鶴忽迷所如人得人失已想楚宮自去自來莫期梁燕矣乃于君公之牖復點羽人之跡整翩

返駕引吭長鳴似深惜別之情都作思歸之曲嗚呼雀羅關若鷗盟渺然顧此仙禽真詩德友驚迷超忽仍聯支遁之交珠樹玲瓏不逐浮邱之路雖云合有真數亦由去無還心自此可以暫遊萬里等仰雞羣守養千齡無虞鳥散者矣欲志黃庭之報遂寫青田之真載綴短章用存嘉話便欲冲霄去能無戀主情夢中愁失路客果得同歸巢樹經春長歸軒一水盈今宵不成寐重聽九皋鳴

春尋茗事同年生壁間畫引哦詩聲數枝葉樹散青靄一角
色山開晚晴淡赭皴坡立亭短破脂點夢臨流明於中長身
出孤鶴其上駢語牽遙情鶴之主人失所養鄰有隱士爲重
迎舊巢將投識松格新水未浴憐苔英循階素羽翫且舞入

夜員吭喜復鳴報章儼準白環例發興已博黃庭成鶴之左
右無竹石亭之前後無臆楹近山碧深遠山淺大樹陰重小
樹輕沙頭暖欲啖乳鴨煙際溼定拋金鶯墨痕況照春社字
酒香如踏江村行雞鶩鷺鳳漫區別雲霄洲嶼隨合併華亭
許我續嘉話此日絕勝來鷗盟

春社詞三首

祈得農祥候紫氛檢將戊日準春分今年暖值春分後早起
因風祝好雲

翠華計日泣江灣雪勒梅花遍玉林稽首昇平多樂事百家

萬社億春心

王廣撰在
可樂詞

杏艷桃光楊柳煙少年情在遍中年滿缸濁酒堆盤肉曾醉
荷花紫草田

題自寫墨花卷子一首

澄泥新琢研微凹試墨頻添萼與苞坐過重三好時節雙輪
卻未碾青郊

靜餘翻自愛矜持小院鈎簾夕照時何似硬黃臨舊帖正裁
矮本畫烏絲

聚奎堂後東房宿次

卻擬王融筆仍權李謬篇煎茶方欲賦寫韻孰如僊簾幙風
微動廊深月乍偏外堂收卷畢想未得宵眠

上欽定科制二場經文
四首改表爲詩八

顏一首先口選韻總
裁屬同考寫之以刻

夜風

好夢殊難續長空不盡吹市遙聽轉雜屋古意多危月黑微
茫處花紅歷亂時似憑塵土掃數

上聲

日去銜卮

聚奎堂早起

鵲語檐牙露景鮮衣冠左右肅周旋綠楊驛接三春露紅藥

畦升四月煙扈 蹕卻贊題日至少宗伯介公自揚州行在貴

宣 充總裁官入閣 視河亟召試官前上道蹕閱河工赴行在 旨以廿八日至即出閣

皇心動即勤求切明旦欽承尚勉旃

聖駕南巡恭紀二十首

細

祖懋 孝理施仁勤康功惟

皇所求切與民所願同紀歲在辛未 肇省南國風屢誠我

億人寶嗇迺求豐歲行之亥夏將載臨江東至哉 巽命頒

敦樸飭自

躬

乙亥歌常武遠邁周宣業東南候 龍興和氣洵翔洽既秋
改涓辰少歉慮民乏

昊穹鑒

帝誠歲則大有秋今歲麥青青昨歲禾油油民亦愈勤止願
因瞻 九旂

王正月二日

賜江浙田租浩如 初巡恩萬里春風俱先是冬奉 詔漕
粟開三吳所經待平糶預民通有無樂哉我民樂若魚忘江
湖盜皆有資儲戶盡無負逋

祈穀歲方稔試燈春已和

啟鑾導

慈輿萬福永錫多畿南淀初解國西山正過碧霄切笙管華

月交枝柯虹隄十三橋下若吐絳荷熙然太平景 奎藻先
成歌

東風暖飄飄東魯青邈邈一繩雁遡雲六出花添水春隨綵
仗佳日供

天顏喜況挹薜蔔香靈巖憩崇軌 畱題摩頂松揭與西來
肯

孔子之川上表蹟爲泉林
仁皇寫道原惟

聖會

聖心春風周覽際 翠輦一再臨環山萃秀色列樹交芳陰
泉流無淺深泉流無古今
聖心澈洙泗文王見於琴

大河流湯湯擁淮以敵黃 疇咨交匯處河弱淮則強復界
疏下游暢達於海疆要令運道濟無使農田妨清淮滯洪澤
抱以高堰長其下財賦區生齒饒淮揚豈惟磬石牢宜洩時
有方

皇心基宥密萬年鞏隄防

江國望 幸深自比前歲切平山桃與梅早栽實頻結今年
初卉增春麗羅繁纈敬以奉

慈顏香花佛前設十萬松翠濤十萬竹蒼雪紅橋岸影開韶
序

聖情悅

三山京口壯平江連諸州形勢再 登覽萬姓迎 龍舟中
冷泉可品竹爐松颺颺第二汲慧山第三問虎邱皆不如玉

泉天下第一流

御製有玉泉山天下第一泉記

支硎瀑如雪石湖月如鉤靈巖

指洞庭兩點如雙鷗

詩成軫風俗民願

霓旌陌

菜花頃頃金豆莢枝枝玉鴨掌葵乍青雀口桑先綠田疇春

總好亦賴

恩膏足向非

清問真易以同民欲吳興利在

蠶嘉禾壤俱沃相期有餘布不特有餘粟三江五湖閒愷

惠勞繫屬所慶煙雨樓

御臨再欣囑

湖山信清美下上多亭臺

聖因寺門柳

皇祖當年栽濃春澤相永

聖孫復滋培湖光勝明月山色踰蓬萊

歡承侍

鳳船

志養歌蘭陔八千椿竝壽三千桃又開杭民稽首稱

仁風

聖域自今慶豐年慶候 青旂來

我

皇初巡來迄今越六載重開市及旬 旋踵耀佳彩我

皇坐法宮息息符真宰與民見以心如行周四海民緘就日
忱霄漢懸相待市市仰

龍顏州閭深樂愷江柳護高陰山花蓄鮮華願

皇歲常臨充宇春施倍

修塗 春彌渥新象攬又盈江臯蔚然卽嵐翠紛來迎有寺

曰棲霞有草曰攝生嘉彼齊高士幽居娛道情暄涼嚴整氣

動靜松篁辟飲泉雪斑鹿咏果金衣鶯 瓊軒領其勝香界

環所榮墨花出 睿篇益使江山清

佳麗秣陵城翕張岷山脈 覽古撫南朝畫江此憑宅 初

巡祀鍾山樵採已禁迹漁歌近可聽春水後湖碧落絮艦外
香飛英馬前積和風霽

聖顏繡野流甘澤

徐州黃水漫洪潦難亟消

帝心謂河伯毋害我田苗既築孫家集復濬荆山橋

臨觀荷神略畚鍤分具僚

帝心實憂民以旰而宵豈惟水土勤九敘陰陽調

轡回道惟順曲阜當薦馨申勅山東吏儉簡隨所令我

皇巡典肅再三昭常經費不斂一錢役不擾一丁以茲純

德將必格至聖靈再披檜葉蒼再權耆莖青況方登岱

宗步趾先師型

時邁重嘉祀維河嶽百神後先古哲王近遠諸名臣酬庸

念舊輔尊疊奠藻新於河祀臣斌於明祀季馴亦用詔來
茲訐謨及良辰矧惟觀潮樓祀海於江濱我

皇隆禮至念念爲安民

迎鑾髻髮儔各以歸田賦鄉俸今拜恩生成感殊遇
禮之等家人浹之甚春煦將何答天高電勉保其素詞壇
賞非常經笥慰遲暮實藉風後來束修振王路

庠門廣舉材藝林

親拔彥任商冠帶加優老粟帛散百職褒所經秩差錄廉
幹兵皆給贏糧男婦賚仍徧道旁芹獻忱內紵捧呼抃二
省量赦囚一清牘與案矧惟被滌處加賑恩蕃稠曰自充
暨豫江南北諸州矧惟疊賜蠲畿縣至海陬所經及停
蹕更沛鴻仁周

娛

顏愛日舒展義化雨宣萬國仰

徽音惟

聖以孝先續我

仁皇治行健乘乎乾

盛德浹民物

至文煥山川金玉自

聲振規矩相方圓大哉崇望禮一哉時幾

天關籥上

萬壽

小臣

頌豐年

題無名氏畫

一籬煙篠半汀沙山下微茫雪後花便縮積雲三角髻忍寒

去叩玉真家

寄輓陳秀才諒

憶初見子時走地髮綷綷既交於翁久漸喜行能隨翁遊歿
涼州使我長心悲所幸子也才門戶力可支前秋我歸舍過
從愛令儀胸中飽經義足以爲人師媿我無遠略見輒科名
期痛翁實賞志此事奮子麾百言亦百應乍合豈乍離子方
究儒家營道先德基俯看誠屑屑遑暇復規規我又辭江園
舊情益逶迤每因說舉業悞恨子嬾爲流光一歲隔靜夜三
更思春寒計偕人來述病少醫炎風送家問子之歿日知目
睽叫不得若暑中肝脾皇天信仁愛萬理無參差是將咎人
事何至或成虧我今非哭子哭翁難與追默數三十年一錯
值此衰翁兮口多直翁兮心頗慈貧交相啣濡醉墨相淋漓
得子才閒出謂當必雄奇且輕窮達分奚用妖壽推翁身長
比鶴壯瘦勢則危子身立如鵠頭銳猶豐頤奈何未四十奄

作芳蘭萎嗟子葬翁後屬撰銘墓詞念我先人歿闕狀空涕
洩十年昧所乞心諾阻於私銘翁未有文哭子先有詩人閒
恨常甚那不自其髭我昨歸里頃擬酌先友卮桐涇朱明府
阡草白露滋北郭萬孝廉權厝淒碧涯而翁西村西寂寞松
檟枝兩孤僅一慰朱墓霜帆吹浮生緘苦懷他日終遂之祇
憂拜翁塚腸斷卻緣伊我詩不子訣近鄙除葳蕤尙煩母呼
季分釋與孤兒

送慙上人還杭州四首

拈花寺中見忽忽十年來今朝分手處七月秋荷開中間萬
壽松共坐曾幾回亦知向後緣莫踏西郊苔松風滿攜袖各
自拂其埃我行卽我家鉗鉢何煩催
去去國東門悠悠潞河水一帆自在流早到錢塘里里中白

髮人昔者少年子舊菴竹樹青笑爾袈裟紫佛前燈火明星
後稻田美謂卽當去聲真歸浮休半如是

河渚裏有梅臯亭下有桃村將水淺深路以山低高南峯見
江岸北峯聞海濤峯後又峯前鐘磬清藜蒿子行倘我待他
日同遊邀子如不我須使我孤筇勞

聚亦知誰主散亦知誰客行豈不如雲臥豈不如石慙慙復
慙慙問我笠與屐寸心祇未灰雙鬢奚爭白我非爲師言師
亦隨所役雨落是今朝月明又今夕

重遊覺生寺

五日兩停車村泥少堦塙偕行有今舊我亦不嫌數院花鋪
正鮮井水澆多濁寂寂蟲欲聞娟娟蝶難捉詎復詣禪人坐
堦情已邈大鐘何必撞斜照久相覺

紀編修復亭近以詩與秦修撰大士黏於壁一夕
爲偷兒取去編修又送詩修撰和之於是周學士
長發盧編修文弢皆有作載過飲修撰於其右壁
盡讀之歸亦和焉

秦君雖貧猶未極一篋可肱囊可探不知誰何攫金去逸者
追者相趨趨紀君聞之閉門詠盜粟謹護石與觚作詩送秦
貼東壁主人夜拓風牕南室中有藏難妄意萬卷自擁他非
貪誰何乃又攫詩至蹤跡數數能無慙秦家更酬紀家倡和
者迭起諸家堪城南近事我初曉適冒涼雨提荆籃籃傾果
蔬榼膾鮓呼飲莫辭婪尾婪昨搜東壁徒擾擾今顧西壁翻
耿耿一篋相憶語還謔數篋相照顏方醅我謂主人毋太慙
豈知偷兒情所諳定猜墨書好波磔或認粉本佳煙嵐取投

廟市觀高價恨未穿蛙經魚蟬燈疎四座殘飛百鈴靜六街
漏下三起者狂思舞都蔗坐者嬾欲成瞿曇似聞飢鼠笑且
數上聲曰偶齧卻資蟲談

靜夜

雨響深庭暗燈光短牖清一編徐切理萬古迴含情鳥欲林
閒起蟲來壁上行鄰人何不寐宛轉送歌聲

寄題吳學使華孫洗竹圖

洗竹如洗花方言非用水昔聞農師云今圖無乃是新安溪
新安山書堂清事溪山閒秋聲上下簌嵐氣綵笵環梳風已
令亂葉淨濯雨更教繁枝刪伊人伊人抱經讀衆說舐排如
洗竹我知生物待培材誰解幽居工補屋鶴書依約紀曾同
三徑惟來二仲蹤他日相逢應不盡山風溪雨一從容

曹學士洛禪畫天下名山圖二百四十頁題之

武英殿貯天下名山圖康熙印本人閒所刻無天下名山不
知其凡幾大者具在小者亦已俱學士今年八十有六歲猶
能眼明手快精心摹始憶常時衝雨跨高馬定應笑我蹙蹙
驢車驅我昨曾觀王履華山冊又觀夏圭萬里長江卷故知
一筆畫如一筆書元氣淋漓非力可彊勉今者何師豈以造
化師聞嘗天都夜見雲海奇雲耶海耶起滅了何有一旦平
生傾寫皆於斯我家澈上青峯九十九安得皴成補入重題
詩

仲冬二首

仲冬朔日雪一白卜歲豐歲豐我無田有弟食不充存者妻
子待歿者孤嫠號凌晨汲井凍焉得糴米淘日暮柴火紅櫓

風莫爲高

仲冬二日雪歲豐一白徵無田豐者歲食缺衣孰憑曷不釣
於江我笠子荷簑曷不樵於山子擔我斧柯百年乃相誤媿
此華髮何

恭讀

御製詠側理紙詩敬賦長歌

張華志側理王嘉記陟釐名譌製同今獻

寧物願

聖藻宣瓊姿兩幅勝萬番一藏一書之

寶墨俯規米芾書

鴻章兼挾柏梁詩書之一幅旣冠琳瑯於

秘笈詩則華志

嘉記未遘之雄詞當年南越人近海苔如髮長入海采杵之
滌之想亦揭用簾乃爾倒披斜界紋猶在是紋非簾紋是紋

非苔紋好風一向吹片雲迴塘縐縠春云云游絲半冒花影
曛麴塵初飄柳綫紛臣未睹紙輒揣賦恭繹
聖藻情爲欣臣聞諺云紙千年今此之傳應萬年
佛語親裁貝葉篇

對雪用宋延清剪綵花韻

薊苑茲頻雪江鄉舊已梅孤懷風處遣迴望月中開水靜疎
光瞥天虛密影迴忍寒休貰酒遠夢只相催

不寐

素壁頻搖燭寒爐尙沸茶萬緣身後影一夢鬢邊華子弟才
難就詩書澤未除溪堂梅樹老月浸數枝斜

海子雪晴

城北遙山隱隄東晚騎迴未隨流水釋都作雜花開煙氣微

收市雲光迴護臺獨吟還側帽於我亦悠哉

題王仲山畫瀉山水牯牛冊子八斷句

頃閒桃花林牛放我自遊桃花紅正深我在不見牛
失牛乃賸我尋牛卻忘家夕陽一路雲井不見桃花
前山綠復綠牛兮莫思我我今獨思牛牛我無一可
逢人問消息耳聞非目見牛不在背後牛不在對面
驀地見牛回手招直牛口本非別家牛費此一招手
招之未必歸定力何以能拽將鼻孔轉猶隔一條繩
松風謾謾吹牛臥我亦臥牛只是一頭我本非兩箇
昨亦不喫草今亦不喫水觸脫角雙彎一笑圓光裏

符歸安大紀輓詞

薄宦東西浙貧交一十年蘭言希古誼矩步讓時賢賸記禾

城錦嘗尋水船寒原隔秦樹日極杳然

觀閣右相書卷端有順治三年七月初一日欽

披簔坐石首一叟冠服立者五十九叟疑已望黃且幡立中
有童或甘羅齒壯於童後復二各未生鬚傑然異其五十六
皆髭髯雲風迭起神雄巖始知將相卽無種難許少年勲業
占竝立疊立指顧行面正面側睂稜清執卷帶劍如平生袖
攜口咎炯雙睛試問畫師閣立本是何人代何人名豈無麟
閣雲臺者秦府羣英亦羣寫國初賜物來商邱寒霄諦
觀燭影道

詠水仙

渺渺自清潯昭昭月在襟本來生性遠亦復畏寒深塵外有
羅襪海邊聞素琴相思幸相值千里極春心

韓康分詠
銷寒集

龍鳳有先識藏羽而隱鱗名者禍所伏避之以保身炎漢世
方季孝桓聽于神直弦旣云已何彼甘陵人悠悠長安市坐
閱三十春公誠伯休邠名乃女子聞青青霸陵山去去著幅
巾寄言俊及儔不作韓徵君

瘳石齋詩集卷第十七